

**Jubilæum Sæculare Ecclesiæ Catholicæ Per Septendecim
Sæcula Militantis & Triumphantis Contra Idololatriam,
tyrannos, hæreses, schismata, errores, & scandala**


Per Septendecim Sæcula Militantis & Triumphantis Contra Idololatriam,
tyrannos, hæreses, schismata, errores, & scandala ; Ex Annalibus
Ecclesiasticis collectum Pro Xenio Oblatum Academicæ Sodalitati
Dominorum B. Mariæ Virginis Annunciatæ Herbipoli, Anno ...

Herbipoli, 1701

Decas I. Ab anno Christi 1000. ad 1010.

[urn:nbn:de:hbz:466:1-64765](#)

•(1)•



SÆCULUM UNDECIMUM, Continens res in Ecclesia memorabiles, quæ contigerunt ab anno 1000. ad annum Christi

1100.

• D E C A S I .

* Ab anno Christi 1000. ad 1010. *

(1001.)


Anta fuit Sæculi hujus
iniquitas, & morum cor-
ruptela, ut ferreum Sæ-
colum ab Historicis ap-
pellari meruerit prop-
ter perditissimos mores
Christianorum; Unde etiam pessimè
sibi consci mortales, plerique nonnul-
lorum pseudo-Prophetarum mendacio
fidem dederunt, afferentium, quod an-
nus primus supra millesimum à Christo

A

nato

Ab anno 1000. ad 1100.

nato, quando Annuntiatio Dominica in Parafse even incideret, Anti-Christum palam ostensurus, & universali ruinâ mundum eversurus esset. Et hoc quidem exigebant corruptissimi mores; verum metus vanus fuit. Non tamen inde orbis terrarum emendatus, sed pejor effectus est: deficiebat enim Episcoporum religiositas, marcescebat regularis Abbatum districcio, monasticalis disciplinæ vigor tepescerebat, ac per illorum exempla cætera plebs manda ta Dei infrunitâ quâdam licentiâ prævari cabatur. Nihilominus hoc tam deserto tempore fructifera germina sanctitatis non defuerunt, quorum bona opera ad conciliandam Dei misericordiam valuerunt.

Otto Imperator Romam pergit, & Joannam viduam Crescentii, à se necati, in uxorem, vel ut alii volunt, in concubinam assumit, dehortante eum ab infami hoc facinore Heriberto Archi-Episcopo Coloniensi, & S. Romualdo insuper de deserendo sæculo, & vitâ religiosâ amplectendâ (ad cuius susceptionem se voto obstrinxerat) seriò & minaciter admonente. Sprevit & hujus monita, & illius consilia Cæsar, sed mox pœnas meritas luit; nam & Romani Duce quodam Gregorio in eum conspirant, & eodem tempore, quo hos Romæ punit,

punit, complures Principes adversus eum
in Germaniâ rebellant.

Obiit hoc anno Hugo Marchio Etruriæ & Dux Urbis (præcipuus hic erat Magistratus) vir pius & liberalis, & omnibus virtutibus exornatus; qui puer, matrem Villani Marchionis Bonifacii filiam exemit suspicione adulterii: cùm enim Libertus pater ejus indignationem primi Ottonis incurrisset, ac deinde conjugé (quam gravidam nesciebat) relictâ, in Pannoniam profugus exulâsse, post longum verò tempus resumptus in gratiam rediisse, conjugem cum grandiuscula prole reperiens, negavit se ejus esse parentem, quousque re diutiùs ventilatâ, sic inter eos convenitum est, ut puer in medio multorum Procerum constitueretur, inter quos & pater, quem nunquam ipse viderat, nullâ à cæteris varietate distinctus federet; & tunc si patrem blandiens puer adiret, ab omni suspicione matrem purgaret: quod & contigit: omissis enim omnibus ad patrem accurrit, eumque blandimentis & osculis ita suaviatus est, ut omnium judicio hic filiolus & ille genitor agnosceretur.

(1002.) Otto III, Imperator obiit: causam mortis fuisse ferunt, quod ejus spe frustrata Crescentii quondam uxor, quæ

¶ Ab anno 1000. ad 1100.

ex amatoriis pollicitationibus Imperatorias nuptias conceperat, ultioris stimulis agitata chirothecas veneno illitas ei, quasi pignus amoris dederit, quibus ille usus, morbo lethali confectus, in eoque stemma Ottonum regnantium penitus extinctum est, Deo ulciscente delicta, quæ in Sedem Apostolicam perpetrârunt, pro arbitrio Pontifices amovendo & surrogando.

Henricus Bavariæ Dux Ottoni succedit in Regnum Germaniæ, & postea in Imperium, educatus à S. Wolfgango Episcopo Ratisponensi, & inauguratus à Willigiso Archi-Episcopo Moguntinensi.

S. Stephanus primus Rex Hungariæ ductâ ejusdem Henrici sorore Giselâ, sive Gislâ, sapientissimâ Reginâ, totum se amplificando cultui divino impendit: cuius vicissim res & regnum Deus curavit, datâ illi nobili victoriâ contra avunculum Gyulam Transylvaniæ Principem, quem Fidei Christianæ infestum bello vicit ac subegit, eumque cum Transylvanis ad fidem pertraxit: Bulgaros quoque Hungariam invadentes Dei ope superavit.

Hoc anno Normanni primò in Italia enituerunt. Horum enim 40. Nobiles ex Hierosolymitanâ peregrinatione redeuntes Salernum appulerunt, quam urbem Sarace-

raceni obsidebant : hi enim arma petentes à Guaimario urbis Principe, & equos, hisque instructi in Arabas irruerunt, magnâque clade affecerunt, multis interemptis, & cæteris in fugam aversis: cùmque à Princepe multis oblatis muneribus retinerentur, neutrum admisere, Deo & Religioni pugnare contenti ; exinde ad suos reversi ostendere quid gens illa in suos ac Christi hostes possit.

* (1003.) * Sylvester II. Papa moritur, cui subrogatur Joannes XVI. ab aliis numeratus XVII. , & huic post menses quinque & aliquot dies Joannes XVII. ab aliis XIX. quam diversitatem numerandi intrusi pseudo-Pontifices effecerunt.

Multæ Ecclesiæ passim per orbem Christianum exstruuntur.

* (1004.) * Celebrantur varia Concilia provincialia tum in Italiâ tum Galliâ, quæ Robertus Rex Francorum ardente zelo promovet, & Conventus Ecclesiasticos præsentiâ suâ plurimum exornat, tam reverens erga Episcopos, ut cùm videret aliquando Lambertum Ligonensem Episcopum carnis mole prægravatum absque suppedaneo dependulis pedibus molestius in Synodo Episcoporum sedere, protinus ille suppedaneum quærens, illud suis

6 Ab anno 1000. ad 1100.

manibus supposuerit. Sed quos humili obsequio venerabatur, eosdem zelo Fidei Catholicæ, ubi necesse erat, redarguere non prætermisit. Aculeum reprehensionis sensit Leuthericus Senonensis Archi-Episcopus, qui dum in porrectione hostiæ ad illa verba à Sacerdotibus proferri solita: *Corpus Domini nostri IEsu Christi sit tibi salus animæ & corporis*, polluto ore temerariè adderet: *Si dignus es, accipe*. Cùm tamen nullus sit, qui dignus habeatur; à pio Rege coruptus, & tanquam seminator ac propagator Sacramentariorum hæresis, quæ hoc anno emergere cœpit, repressus conticuit. Realem enim præsentiam in Sacramento Eucharistiæ Leuthericus contra communem Ecclesiæ sensum in dubium revocare cœperat. Berengarius quoq; tunc adhuc adolescens eandem juvenili temeritate impugnare ausus, quantumcunque Fulbertus Carnotensis (quo Magistro tunc Berengarius utebatur) dehortaretur, ne in disputationibus Fidei Catholicæ limites transiliret.

¶(1005.) ¶ Henricus Rex Germaniæ venit in Italiam, atque Harduinum, qui sibi titulum Regis Longobardorum arrogarat, debellat. Ticini autem, quam viator ingressus est, sæva coorta est seditio cives inter

inter & milites, quæ in ipsum Henricum redundantavit, qui in ipso suo palatio obsesus est. Verum rudes cum exercitatis dimicantes vieti sunt, & urbs cædibus incendiisque deformata, frustra repugnantiibus Henrico Rege, &, qui ei erat a consiliis, S.Heriberto Archi-Episcopo Coloniensi. Posthæc Papiæ ab Archi-Episcopo Mediolanensi in Regem Italæ coronatus, & inde reversus tumultuantes in Germaniâ Principes, ac Boleslaum Ducem Poloniæ sibi infestum devicit, & in ordinem rededit.

*(1006.) Fuit hoc anno tanta famis ac pestis simul grassantis per totum orbem saevies, ut sepeliendis mortuis vix vivi pares sibi viderentur, & lassitudine ac tandem sepeliendi vivos adhuc spiritum ægræ trahentes cum mortuis pariter humarent. Eluxit etiam in pauperes eximia charitas Odilonis Cluniacensis Abbatis, non jam libera amplius, sed necessaria, nec ex liberalitate tantum, sed ex justitiâ propter acerbissimam famem ubique locorum furentem.

Bamberga civitas Henrico charissima facta est Episcopalis: quam sedem ipse Rex ex propriis magnificentissime dotavit, & propter conditorem facta est deinceps toti Ecclesiæ venerabilis.

* (1007.) * S. Wolfgangus Ratisponensis Episcopus jam vitâ functus Henrico in somnis apparetis jussit, ut legeret in pariete caræteres descriptos, in quibus exaratos videns has voculas: *Post sex iis mortem sibi prænunciatam existimans, multis precibus per sex dies, sex hebdomadas, totidemque menses ad eam frustra se paravit, & post sex demum annos intellexit,*, non mortem, sed Imperium gloriösè sibi prænunciatum esse.

Fulbertus vir doctissimus, & omnium votis expetitus creatur Episcopus Carnotensis, ex Monacho S. Petri Carnotensis. Præful fuit incomparabilis, cui Deus Prophetiæ spiritum infudit, unde etiam factus est plurium Episcoporum & Regum Doctor & Magister: ipsius enim dehortatione multi Principes Ecclesiæ bonis saginati rapta restituerunt, & Fulco Comes Andegavensis pœnitentiam egit, repetitâ ad loca sancta peregrinatione tertîâ vice. Sic ut Fulberto jure muralis corona debeatur, qui hoc saeculo primus superavit muros Babyloniae civitatis, cuius Principes tyrranicâ violentiâ jura Ecclesiastica occupabant.

* (1008.) * S. Bruno Episcopus in Prussia, & S. Bonifacius Ottonis Imperatoris

Ab anno 1000. ad 1100.

9

toris Propinquus, miraculis magnis illustris, in Russia Martyrio coronatur. Adspirans ad similem coronam S. Romualdus in Hungariam ac alia loca Infidelium pergere statuit; sed cum progrederetur morbo detentus, cum consisteret eodem levatus, sic ad suam eremum regredi coactus est. Ex ejus tamen sociis quidam ultra pergentes flagellis cæsi atque venditi, sanguine suo atque libertate Dei gloriam & proximorum salutem promoverunt.

* (1009.) * Joannes XVII. seu XIX. Papa moritur, quo sedente Ecclesia Constantinopolitana cum Romanâ reconciliata & à Sergio Patriarcha Joannis nomen in Diptycha relatum est. Eadem suffeterus est Petrus Episcopus Albanensis dictus Sergius IV.

Judæi Aurelianenses in Franciâ miserunt quandam habitu peregrini cum litteris baculo inclusis ad Ammiritanum Babylonæ Principem, monentes eum, nisi subverteret Sepulchrum Christi Hierosolymis, ejus Regnum à Christianis brevi exscindendum. Quod illicè ex parte præstitit, eversâ etiam S. Georgii ecclesiâ, quod in eam ingressi Saraceni cæcitate percuterentur. Hæc malitia Judæorum, cum in Occidentem perlata esset, Judæi communi-

A §

com-

Ab anno 1000. ad 1100.

consensu & decreto ex omnibus urbibus Christianis expulsi, ac plurimi illorum trucidati sunt. Gerulus autem ille litterarum Aureliis vivus exustus, meritum peregrinationis præmium retulit. Neque diu impii Judæi fructu malitiæ suæ potiti sunt, eodem enim anno Maria mater Ammaritani mulier Christianissima idem templum reædificare cœpit, confuente ad S. Sepulchrum innumerâ multitudine fidelium, & ad reparationem Domûs Dei munera conferente.

* (1010.) * Saraceni in Hispaniâ in parvas Satrapias dividuntur, quas si aggressi tunc fuissent Christiani Principes, omnes facile expulissent, sed maluerunt cum iisdem matrimonia inire, ac pro iis decertare, Episcopis etiam venientibus in hujus sceleratæ militiæ partem, & vitam suam impiè inter arma exponentibus, quām Christo & Ecclesiæ ejus ac gregibus reservare debuissent.



D E C A S II.

* Ab anno 1010. ad annum 1020. *

1011. Ecclesia Bambergensis ab Henrico Germaniæ Rege erectora ac dotata,

con-